

四庫全書

集部

欽定四庫全書

集部

明詩綜卷四十二

詳校官中書臣涂日煥

主事銜臣徐以坤覆勘

總校官降調編修臣倉聖脉  
校對官庶吉士臣潘曾起

謄錄監生臣楊恪

欽定四庫全書

明詩綜卷四十二

翰林院檢討朱彝尊編

陸鈇

五首

鈇字舉之鄞人正德辛巳賜進士第二授編修  
出為湖廣按察僉事轉江西督糧參議山東提  
學副使有少石子集

靜志居詩話崑山陸鼎儀鄞縣陸舉之其名同  
賜進士第二人同一從史館出為太常一從史

館出為外臺適相合也鼎儀盛有詩名詩却平  
平舉之不以詩名而詩似勝於鼎儀其督學山  
東也見山東舊無通志而曰周公孔子百世之  
師也六經斯文之祖也泰山五岳之宗也此一  
方文獻而天下古今之事備焉志奚可廢也  
乃編輯成書河山十二得公數言而增色矣

### 建昌道中

赤阪揚塵霾朱飈轉炎熾下有修竹林清泉蔭涼翠行  
子苦鬱蒸居者自幽憇豈為躁靜分亦緣身世異東門  
瓜已稀南山豆堪藝回車理故岑願言遂高致

### 愛峰篇

愛山愛孤峰峰高不可即  
誅茅卧其旁憑軒看空碧  
裊裊金芙蓉海霞蕩日夕  
下有蛟龍盤波濤起淵宅  
浮雲倏蔽虧白日慘無色  
蔽虧良有時我情終不易  
請看石上蘿綢繆自今昔

妙高臺

石徑入迂迴高臺出林杪  
遠岫迎歸雲層巒礙飛鳥  
厓崩樹交撐壇靜花不埽  
凌風一振衣清曠絕塵抱  
仰接烟霞重俯視樓觀小  
安得鞭蒼蚪脩然下蓬島

錢塘懷古

黃屋南遷日蒼山結鳳樓可憐江海地曾是帝王州  
鐘梵傳宮樹笙歌恣客遊寒潮自來往難雪古今愁

謁文山祠

丞相名高宇宙垂螺江合有報恩祠運移諸葛身殲日  
義盡睢陽力竭時戎馬中原空下淚松林異代尚南枝  
彌天碧草傷春色楚賦招魂有所思

張孚敬一首

孚敬初名璉字兼用永嘉人正德辛巳進士上  
疏言大禮除南京刑部主事再上疏超擢翰林  
學士陞禮部尚書兼文淵閣大學士厯少師兼  
太子太師吏部尚書華蓋殿大學士贈太師謚  
文忠有寶綸樓和御製詩蘿峰集

詩話蘿峰不由史館起家特授學士又以議禮  
為持名教者所輕以是嫉詞林特甚尤惡詩人  
文人八才子無得免者  
比諸夏嚴更覺深刻

恭和御製翊學詩

聽講大學  
衍義作

帝王治有道修身宜所先於皇聖天縱受命真自天陋  
彼霸功小愛此王道平經筵講大學治法三代前乾乾  
自不息安安而能遷升堂入其室登山陟其顛擴之保  
四海泉達火始然卓哉真德秀義能衍斯篇微臣忝進  
講膺服同拳拳

張治 三首

治字文邦茶陵人正德辛巳進士改庶吉士授  
編修以左贊善使交南進學士陞吏部左侍郎



掌翰林院事拜南京吏部尚書入為禮部尚書

兼文淵閣大學士加太子太保卒贈少保謚文

隱改謚文毅萬厯初復改謚文肅有龍湖詩集

王元美云張文邦如藥鑄鼎燥爛驚人終乏古雅  
顧玄言云文肅才雄思贍抽緒錯彩岌然

衡岳之秀

詩話吳有洞庭山名也楚有洞庭湖名也郭景純賦云爰有包山洞庭巴陵地道潛達旁通幽岫窈窕蓋謂君山有石穴通吳之包山故包山亦以洞庭名鄴善長注水經二湖俱以洞庭為目誤也張文肅夜過洞庭詩云曉發吳閭門夕渡廣陵汴日暮江帆遲洞庭三百里微風澹無

波明月照天水隱隱見君山鐘聲翠微裏是吳地也而混於楚矣善長北人未析南條諸水文

肅家茶陵與洞庭湖密邇

豈得以君山屬吳耶

雜興

望湖亭下水如天曾是宣皇賜幸年玉輦不來鳬鴈冷

一湖楊柳鎖春烟

發石鐘山望廬山

廬岳亭亭翠萬重懸泉千尺挂飛龍石鐘山下江如鏡

映出青天五老峰

送鍾時亭之南雍

霜落燕山萬木稀  
君行歲晚欲何依  
十年空獻君王策  
猶向橋門著布衣

李默

二首

默字時言甌寧人正德辛巳進士改庶吉士累  
官太子少保吏部尚書兼學士贈太子太保謚  
肅愍有羣玉樓豪

秋夜泊下邳值雨

濁河元楚塞古驛自秦城旅泊河山異颼零風雨生波  
濤喧獨枕鐘鼓暗深更秋事方蕭索應知歲晏情

月下

鐘鼎非吾事神仙亦世稀停杯忽惆悵明月上人衣

黃佐十一首

佐字才伯香山人正德辛巳進士改庶吉士授  
編修出為江西按察僉事調廣西召入為左司  
諫歷侍讀諭德國子祭酒少詹事兼翰林學士

卒贈禮部右侍郎謚文裕有泰泉集

屠文升云才伯詩會

詮條貫近體雄深麗逸旨遠格精樂府古詩兼總古今出規入矩張崇象云才伯博極羣書

而能反約於心其詩穎出流俗質鉅而力雄陳師孔云泰泉摘詞酌雅取材於西京割正於

李唐研精於南宋其言奧以文其思婉而微粹然一出於正王元美云黃才伯如紫瑛石大

似韞韞晚年不無可恨顧玄言云性尚沖和韻含芳潤譬之龍躍懸河鳳鳴阿閣輝映高絕

信足接武曲江陳卧子云才伯亦窺見格律

詩話文裕撰體頗正而取材太陳故格雖聳高而氣少奔逸然嶺表自南園五先生後風雅中墜文裕力為起衰如黎維敬梁公實輩皆其弟子嘉靖中南園後五先生二子與焉蓋嶺南詩

派文裕實為領  
袖功不可泯也

學古贈胡承之歸闕中

翩翩雙鳴鴈  
噉噉雲中飛  
娟娟蛾眉女  
札札流黃機  
棄置不成匹  
歎息減容輝  
問女何所歎  
良人悵有違  
萬里遙相望  
何由接音徽  
蕙樓鑒素月  
蘭燈暖虛幃  
身非驂與服  
安得同車歸  
河清尚可俟  
會合何可希  
臨岐奏此曲  
淚下誰能揮

碧梧丹鳳圖為黎侍御一鄉題

鳳兮鳳兮爾來當何時知爾之德萬古長不衰不然上  
天縱爾九苞羽安用綈繹為君不見桃蟲當日飛為鵬  
脊令原上啼鴟鴞鳥几几音曉曉室家恐為陰雨漂偃  
禾風定杲日出岡上碧梧寒不凋爾於此時來和鳴叶  
簫韶成王優遊君爽喜卷阿為爾歌且謠鳳兮鳳兮披  
圖對爾起三歎久矣不夢周公旦咸陽宮前多枳棘何  
用屑屑悲秦漢

南征詞 三首

鳳野傳清蹕龍旌逼絳霄風雷隨鼓角日月耀金貂躍  
馬宜春苑呼鷹織錦橋何如穆天子空賦白雲謠

翠網張瑤浦黃旗漾碧流殷勤供廟薦蕭灑事宸游御  
氣通鮫室祥烟化蜃樓魚龍應自喜何敢負王舟

柳映金陵暮花搖玉帳春江淮明礮火閭闔動梁塵祕  
戲徵西域迷樓構北辰三千歌舞伎誰似掌中人

雨

膚寸雲初起彌天雨正狂魚龍空窟宅草木各輝光爽



氣連南紀愁陰接上方故山青未了歸夢此宵長

對月

江月初成鏡山城獨倚樓徘徊如伴客浩蕩更隨舟  
陌上清光滿樽前爛漫遊豈知離別後對爾轉添愁

彌羅閣秋望與馬子仲房

羽觀臨霄漢飈臺出薜蘿霞觴延客久琪樹受涼多  
日色隱平楚秋聲連大河君看愜幽意吾醉即狂歌

春夜大醉言志

拔劍起舞臨高臺北斗插地銀河迴長空贈我以明月  
天下知心惟酒杯門前馬躍簫鼓動柵上鷄啼天地開  
倦游却憶少年事笑擁如花歌落梅

王元美云此公作美官講學恐人得而持之故也

宮怨

上陽宮殿倚雲霞天外時間度翠華魚鉤重重鎖窗戶  
夜來春雨到梨花

采蓮曲

隔花相見兩徘徊蕩槳低頭笑不來雙棲白鷺忽驚起

遙見浮萍一道開

王用賓 一首

用賓字元興咸寧人正德辛巳進士累官南京  
禮部尚書有三渠集

出塞

賀蘭山下羽書飛  
廣武營中戰馬肥  
壯士爭誇神臂弩  
打圍先射白狼歸

何棟 二首

棟字伯直長安人正德辛巳進士選授河南道  
御史調宜興知縣陞順天通判轉工部郎中歷  
右通政太僕寺卿以左僉都御史撫大同左遷  
四川參議用薦起右副都御史提督薊州加兵  
部右侍郎轉左侍郎進右都御史有太華集

玉泉

鬼斧何年鑿仙源此日看濺珠翻石溜拂鏡漾晴瀾鸚  
鵡春塘淨雲霞夕影寒分流入內苑故作九龍盤

登真覺寺浮圖

凌空垂寶塔披霧出銅盤影照青蓮色光寒白露團霞  
標窺日近風洞洩雲寒靜坐觀空界天花遶石壇

廖道南一首

道南字鳴吾蒲圻人正德辛巳進士改庶吉士  
授編修歷侍講學士謫為徽州通判尋復職有

玄素子集

王元美云廖鳴吾如新決渠浮楚濁泥一瞬皆下

詩話鳴吾詩望之若精選體然其質鈍輅句束字易於滯澀

靜海遇張汝禎夜話

日夕繫蘭橈山城圍海縣嵐光互明滅水霧遞隱見涼  
月鑒廣原靈廳振芳甸幽人抱遐心跼蹐夜將半仰觀  
河漢流俯察昆蟲變側聞哀鴻音攜手淚如霰

童承叙一首

承叙字士疇一字漢臣沔陽人正德辛巳進士  
改庶吉士授編修進侍講歷中允司經局洗馬  
國子司業左春坊左庶子有內方集

詩話庶子與張文邦彥鳴吾號楚中三才永陵  
以從龍侍臣遇之詩篇比彥差優論者擬之夏雲  
秋水不可方  
物失其倫矣

### 臨清雜興

健兒新殺雲中將  
驢騎長驅塞北塵  
遂使龍顏憂朔漠  
遠分虎旅出咸秦  
推誠詎識皇心厚  
不戰應知廟略神  
萬里風烟勞極目  
安危須倚近邊臣

### 倫以諒一首

以諒字彥周南海人正德辛巳進士改庶吉士

歷官南京通政司右參議有石溪集

詩話嶺表科名之盛莫若南海倫氏自諭德文敘會試殿試俱第一其子祭酒以訓會試第一殿試第二通參以諒鄉試第一與郎中以說皆二甲進士出身然諸公文詠皆各有集傳者特少其後人亦無繼起者昔王筠論家門謂崔氏雕龍不過父子兩三世非有七葉之中人人有集如吾門者以是知古人所重者著述科名不足較也白山以訓自號穗石以說自號

舟中夜坐寄弟白山穗石

秦淮烟月蔣山雲回首金陵隔紫氛別浦停橈渾不寐  
孤城吹笛詎堪聞春來花看同鄉樹嶺外鴻歸逐舊羣



何事人生獨惆悵百年岐路幾回分

張袞三首

袞字補之江陰人正德辛巳進士選庶吉士授  
監察御史復改翰林編修歷侍讀諭德進侍讀  
學士遷太常寺卿掌國子祭酒事左遷南太常  
少卿終南光祿寺卿有水南集

奉和順之陽溪別業之作

千峰羅杖底選勝武夷菊夜雨蘼蕪徑春風薜荔牆盤金

渠分海色種竹隱嵐光會發王猷興簞輿就辟疆

陪行聖公祭先師廟

鸞鳳趨蹌地笙鏞迭奏時千春王者祀百世聖人師禮  
器羣賢別宮牆數仞宜上公詩禮在釋奠有新儀

寄樊僉憲一賢

同是三湘放逐臣歸來猶自厭風塵長沙日落秋陰滿  
愁殺當時痛哭人

王同祖一首

同祖字繩武崑山人正德辛巳進士授翰林編  
修進司經局正字遷國子司業有五龍山人集

王元美云繩武詩往往  
朗秀玄著春容爾雅

### 涿鹿遇杜道士

晚渡桑乾水西風匹馬過寒城歸鳥急古道夕陽多  
迢班荆地蕭條伐木歌怱怱更南北回首意如何

### 周祚

三首

祚字天保紹興山陰人正德辛巳進士除來安

知縣擢給事中有定齋集

孫仲可云詩以拔去陳故為尚天保樂府

婉而厚古詩醇而鉅近體脫略纖冶非自空同出邪

詩話給事同懷兄弟四人皆取甲第而能不戀熱官遠師北地游心風雅即其不以門望驕人可以俤流激薄矣集四卷玄孫工部郎裏緒刊行之

雜詩

二儀愆恒運日月斯晦蝕陰陽靡協和風雨失其職天道垂常象君子重刑式百揆理四時允為天子翼一物苟失所憂懷動顏色邈哉古聖賢苟招暨幽側重華闢

四門尼父取三益周公致太平吐哺不終食

吳偉畫冊為成中丞題

國朝畫師能悉數筆力孰過江夏吳眼前富貴王侯無  
故能瀟灑超其徒或時酒酣赤兩足亦或脫帽空頭顱  
五岳四瀆生斯須一峰忽從天際拔九派真見江流趨  
中丞何由得真蹟列方布冊看有餘清秋示我閭山下  
白日宛坐仙人區由來神物易飛去九苞之鳳不在笈  
昨聞九月雷電作滄海恐失珊瑚株

后峰

落日滄江返照來  
江光倒射碧山隈  
山人愛聽楓林響  
月滿柴門未肯迴

張達一首

達字懋登餘姚人  
正德辛巳進士  
改庶吉士授  
刑科給事中  
坐劾郭勛李福達  
謫戍遼陽卒贈  
光祿少卿有義樂集

新年

磁甕三杯酒方牀一覺眠天涯萬里客如此過新年

謝黃一首

黃字維盛閩縣人正德辛巳進士除禮科給事中  
以議大禮廷杖又劾張桂儉邪不可用奪俸  
尋命出知太平府未上官卒于道隆慶初贈太  
常少卿有給諫集

白沙月下感懷

野曠霜空萬木凋歲寒孤櫂傍清宵江聲永夜驚虛枕

月色中天上海潮千里風烟勞夢想十年心跡媿漁樵  
白沙翠竹情無奈玉宇瓊樓望轉遙

馬敬一首

敬字抑之上蔡人正德辛巳進士除兵部職方  
主事改監察御史有著臺集

詩話著臺有意法  
古特章句未遒

阻雪張橋驛懷徐道長

人生如浮萍同生水一涯聚者忽焉散合併安可期豈



不憶王孫芳草迷路岐客持雙鯉至云是美人貽與我  
期何所乃在淮水湄忽忽玄雲浮雨雪一何滋駕言思  
往從徑滑馬行遲相隔匪遠道無緣接高辭始願既已  
遲延佇益淒其

楊言一首

言字惟仁鄞人正德辛巳進士除行人擢禮科  
給事中以言事廷鞫謫判宿州久之遷吏部郎  
再謫知夷陵州三遷至湖廣參議落職有集

李杲

堂云先生詩

婉秀明麗

行舟次朱雲巖

迢迢山障月寂寂鴈汀秋  
百丈牽三老千峰送一舟  
窮猿相叫嘯祭獺互沉浮  
不是巫山路空餘楚客愁

任淳一首

淳字元朴堂邑人正德辛巳進士官監察御史

野渡

潦深望不極問渡莫悽然  
漁笛蘼葭裏因風到客船

邵經邦一首

經邦字仲德仁和人正德辛巳進士除工部主  
事改刑部署員外郎建言廷杖發鎮海衛充軍  
有弘藝錄

詩話永嘉以議禮驟貴繼為陸子餘所劾業勒  
歸矣尋即召還會陽月日蝕先生上言議禮貴  
當用人貴公陛下私議禮之臣是不以所議者  
為公禮也夫禮惟當乃可萬世不易使所議非  
公則禮可守也亦可變也可成也亦可毀也陸  
下果以禮為至當欲子孫世守莫若厚其費予  
全其終始以答議禮之功然後轉遷碩德置諸  
左右使萬年之後廟號世宗不亦美乎永陵震

怒既予杖復下獄發邊衛充軍明之列辟永陵  
猜忌之尤李襄愍以漢武帝唐憲宗發策猶難  
免於瘐死矧以人主生前臣下輒敢預為擬謚  
乎沈孝廉景倩疑世宗二字點契宸衷遂從末  
減亦未必然予謂先生幸言之於嘉靖初年爾  
使在西內營齋之日則斷不能保首領矣先生  
詩少敦琢第七子盛行之日  
不治其流派正見鯁骨處

### 四十明朝是

四十明朝是頻聞畫鼓搥殘燈持自照忽吐兩三花

### 教英

四首

英字子發清江人正德辛巳進士除南刑部主

事出為陝西提學副使改河南終河南右布政

使有心遠堂臺

熊閣泉云方伯詩興幽思  
遠盡絕蹊徑足稱名家

塞上曲

二首

軍中頻宴樂醉後擁雕鞍  
紮塞連天遠黃雲拂地寒  
羌兒叱撥馬番女固姑冠  
逐隊營門立春風倚笑看  
無定河邊水寒聲走白沙  
受降城上月暮色隱悲笳  
玉帳旄頭落金微鴈陣斜  
幾時征戰息壯士盡還家

別業漫興

門對寒江舊不斜  
旋開三徑學陶家  
秋來不問登高節  
日日攜壺醉菊花

輞川謁王右丞祠

蜀棧青驪不可攀  
孤臣無計出秦關  
華清風雨蕭蕭夜  
愁殺江南庾子山

黃潤一首

潤字以誠晉江人  
正德辛巳進士官至參政

孟秋

玉衡指孟秋階前鳴促織光陰良易邁坐覺老來迫四十道未聞眷言心孔盡空死讀書螢徒取譏有識迷塗幸未遐周道矢焉直千里雖云遙終當勵餘力

田 頊 一首

頊字太素龍溪人正德辛巳進士歷禮兵二部郎中湖廣僉事貴州提學副使有秬山集

即事

聞道迷陽寇東屯信不虛風雲隨戰伐天地日丘墟列

峒分旗鼓行營接羽書  
哀哀荷父子生計本樵漁

吳檄二首

檄字用宣桐城人正德辛巳進士除襄陽推官  
入官戶部主事歷武選郎中出為湖廣參議轉  
山東雲南副使終陝西參政有皖山集

詩話王道思官司封郎為當國者所不悅謫判  
毘陵嘉靖乙未三月之望朝士出餞於海淀者  
八人唐順之應德陳東約之張元孝少室李遂  
邦良李開先伯華熊過叔仁呂嵩山甫其一則  
用宣也海淀在阜成門外其地為張昌國園林  
昌國罹禍之後亭臺悉圯諸公置酒為之不樂



惟用宣詩先成所云絃管不隨流水奏綺羅應  
化暮雲飛者是也夏桂洲聞之遂劾元孝遂二  
司官無事漫遊竟下獄七人者相次罷謫惟用  
宣幸免爾何元朗述顧東橋赴嚴分宜飲升堂  
竟上座酒行嫌冷不堪既易酒至又嫌太熱指  
顧揮霍不知有主人而分宜執禮愈恭因謂使  
桂洲當此則東橋不免有雙江之禍矣蓋嚴夏  
皆媚嫉而當時之論若似乎夏之傾陷有甚於  
嚴者觀伯華海澱詩序則桂洲西  
市之禍朝士未始不有快意者矣

### 春日

黃鳥鳴高樹春聲滿鳳城憐予長作客聞此倍含情何  
處步芳草出門逢友生東風隨杖屨迢遞晚山晴

甲午冬過荏平聞吳叔羽癸巳五月卒哭之

南歸曾得蜀中書道爾平安守故廬荏縣忽聞摧折久  
草堂翻恨往來疎家貧妻子應難給歲晚朋儔日已虛  
都下送君成永訣忍看詞賦哭相如

張羽一首

羽字子儀崑山人正德辛巳進士刑部郎中有  
集

雜言

蜀嚴好沉冥日食止百錢卜筮人所輕久之操彌堅君  
子有所貴乃不在當年百世有知音何必鍾期然子雲  
太區區譽之公卿閒卑哉益州牧乃欲吏高賢豈無王  
侯貴敢言不敢言斯道誠兩得永為後世傳

陳大濩

二首

大濩字則殷長樂人正德辛巳進士思恩府同  
知有雙溪集

十五夜舟中對月

水國人初靜江村月漸高九天開霽色百里見秋毫興  
已懷鱸膾官猶滯馬曹孤舟對清夜湖海思滔滔

朱仙鎮岳武穆祠

駐馬朱仙鎮傷心武穆祠誰憐宋社稷竟失漢旌旗星  
墮天應憤師班帝豈知空餘祠外柏蕭索向南枝

浦瑾一首

瑾字文玉無錫人正德辛巳進士麗水知縣有

桂巖集

詩話文玉晚而通籍牽絲作宰之官三日而病  
三月而徂故邵國賢深惜之詩如池萍漲雨青  
浮岸鄰樹分陰綠過牆林迴微風生木末江空  
落日上簾鉤日斜天外初微雨雲薄樓西忽斷  
虹頗興國  
賢同調

### 閒居漫興

萬里橋東一草堂  
烏皮隱几竹方牀  
池萍漲雨青浮岸  
鄰樹分陰綠過牆  
乳燕出時炊麥熟  
繭蛾飛後曝絲香  
不知何處炎蒸在  
日日清風灑葛裳

### 張含六首

含字愈光永昌衛人正德丁卯中雲南鄉試有

禹山詩選

楊用脩云愈光未能詩及長博極羣書條入葉贊上獵漢魏下汲李杜

弗工弗庸弗似弗止然工於求古昧於適俗寄贈窮困節氣之交萬言不竭於通達周旋之友

片言即窮

任少海云愈光詩險怪詰屈不必

皆中繩墨

王元美云張愈光如拙匠琢山骨

斧鑿宛然

又如東銅銅腹滿中外遺穆敬甫

云張君藻麗

精深殊有襟度顧玄言云愈光

如蘭津天矯

騰逸浮空若鴻鴈不傳天外字美

蓉空照水中

花銅柱薰葭鴻鴈響鐵城烟雨鷗

鷗啼此例

數篇非雕飾曼語葉元禮云禹山

詩如峽中

女子野花山葉翠萵銀釵非不飾姿

弄髻拭粉

游紅

奈時作蠻語

詩話禹山雖北學於獻吉然詩不盡出其流派  
而一以用脩為歸觀其襞積字句乏自運之神  
方之用脩  
遠不逮也

### 戾蟲謠

嗟哉猛虎橫行道阻我欲射虎誰藉我弩我欲殺虎誰  
假我斧悠悠蒼天寧獨予苦

### 岐中

夔州城下陰霏霏我寄客船他夜歸越舸蜀艇幾烏桺  
赤甲白鹽雙翠微烟蘿一帶野猿嘯石壁萬仞明星稀

三巴迢遞望三楚京洛紅塵愁滿衣

己亥秋月寄升菴

金馬秋風十載餘芙蓉深巷閉門居  
登樓莫作依劉賦  
奉使曾傳諭蜀書  
卧病可憐天一柱  
獨醒無奈楚三閭  
北來消息風塵斷  
白首滄江學釣魚

覽升菴舊時辭翰兼紆別懷

蕭條別館君為客  
寂寞荒村我閉關  
鸚鵡洲邊空作賦  
鳳皇池上幾時還  
羈身萬里棲填海  
歸夢三更過蜀山



此地斷金俱白髮，往遊傾蓋正紅顏。

寄升菴

公子思歸幾歲華，王孫芳草徧天涯。樓頭豔曲包明月，

海口新鉛蔡少霞。

自注升菴近撰海口碑文極奇

光祿塞遙空，遞鴈上

林枝好。只棲鴉夢中，記得相尋處。東寺鐘殘北寺斜。

顧惟

賢云集

中絕唱

春暮

春暮南溪花氣香，亂峰驚蝶不成行。漁竿在手不須放，

釣得鯉魚三尺長

鄧黻

二首

黻字文度其先松江華亭人徙常熟中正德丁

卯舉人

詩話文度歌鹿鳴後喪母遂不上公車以通經  
博古為務嘗與客論文其大略云文章粹於經  
聖賢以其精蘊而形諸辭辭可以已聖賢必無  
事於作作為者不得已也三代而下放臣棄婦  
之辭讀之尤足以興感者性情也今之為文者  
無古人之性情與其所遇之時事辭與意背以  
諛為容以聚為約浮濫而無法則可以無作或  
言西京之文近乎古不知壞古人之文者揚子

諸人有責焉書出陸子餘歸熙甫皆是之當嘉靖中伯安道思應德既往于鱗元美明卿伯玉本寧之派盛行詩古文交失其真文度之論其力挽元氣者與詩亦崛奇不沿七子之習

### 致道觀七星檜

琳宮何岩巖英氣凌青蒼中有古檜樹傳植自蕭梁歲遠四樹存如斗酌天漿東株久已朽慶歷補其亡中株麗瓊壇少日嬉其旁今已翦不遺取斧斯其香兩株在東南偃蓋覆修廊攢枝細而密葉聚如鍼芒兩株在西南赤立膚無霜偃蹇捎殿角督力示堅彊北株最怪異

不與羣木行質幹盡屈鐵天矯互低昂四檜皆左紐枝  
柯鬱相望霽晴亦慘黯昏黑常晶光蜀廟青銅柏涿郡  
羽葆桑圖經儼封殖況我桑梓鄉石田昔塗寫遺墨好  
事藏聊復陳我歌我歌亦堂堂

雷殿畫壁

致道古仙都山水夙清美雷宮設像畫種種盡其技溥  
古出道逸意態得深旨左壁挾風雲沙礫卷空起有神  
操火具張目怒獐視當其馘所及妖窟泣神鬼右壁已

淋落雲氣來纚纚似聞轟雷車不遑掩其耳南壁雲參  
覃電光閃復止有神被甲冑軀偉顙舊紫執爰見真宰  
如以職備使北壁方晦冥相去不辨咫尺有神手天瓢九  
龍運其水勢欲翻河波雷伯鼓未已靈祠本清肅長夏  
額無泚入門見粉墨鮮不生戰慙乃知藝事能凝神始  
臻理吳生貌地獄施帛日雲委惟以神妙故見者雜悲  
喜茲事已千年遺跡久零圯茲壁雖尚完能保後無毀  
誰為補圖人三歎遜前軌

汪本一首

本字以正歙人正德丁卯舉人有西巖集

王仲房云

以正童稚即解為詩弱冠挺興遂傳高唱潛思取境不落常情天不愛才壯即夭折惜哉詩話十岳山人王寅輯新都秀運集以本詩歷卷稱其愁邊草木歇夢裏關山多之句蓋是時新都風氣咸以篁墩為宗本獨以古為師故亟取之

旅邸述懷

歲月秋將晚風塵鬢欲華孤雲天外影寒菊夢中花濁酒賒難得滄洲興未涯何當返初服歸駕鹿門車

吳益夫

二首

益夫字惟裕閩縣人正德丁卯舉人武學教授

有古迂集

晚歸

夕陽下西林草徑含暝色鳴蜩在深樹向晚猶不息歸  
騎且遲遲中天雲未黑

喜晴

朝日麗郊原晴風動梧竹沙鷗不避人飛來傍船浴

于震一首

震字孔安餘姚人正德丁卯舉人知福安縣

罪言

壯來軍壘幾時平官府無人解治兵豈謂干戈是凶器  
本來樽俎屬書生麟符玉冊權空貴鐵馬金戈勢轉橫  
歎息廟堂天地隔白頭無路請長纓

管浦三首

浦

浙士登科錄作溥

字弘濟餘姚人正德丁卯舉人官



萊州府通判

送顧宗朝還孟城

龍江木落風亂鳴  
龍江水邊舟欲行  
玉斝酒盡不成醉  
青衫淚濕難為情  
借問舟行向何處  
美人別我淮南去  
海天渺渺孤鶴飛  
回首江東隔雲樹  
高堂一笑壽且康  
弄雛載戲斑斕裳  
湖水梅花鬪清絕  
尋詩載酒還徜徉  
我欲東歸歸未得  
風雨茅堂轉相憶  
故園迢迢千里餘  
雙鯉憑將寄消息

繆天自  
云平穩

舟中雜興

江水白於練江花紅欲然長風一萬里吹送木蘭船

田家

豆花香暖木棉開禾黍高低秀作堆落日松風一樽酒  
石壕無吏夜深來

吳天祐 一首

天祐字吉甫豐城人正德丁卯舉人官知縣

和答同年徐豐厓

勞生會晤豈易得別十五年方一來故人幾人道相合

今夕何夕樽同開感君情深愈於舊使我樂極翻成哀

天空月明耿長夜梧葉蕭蕭飛露臺

周青士云坳體類故漸近自然不知

者以為牽率然非解人不能也

顧彥夫

四首

彥夫字承美無錫人正德庚午舉人官河間府

通判有瀛海集

老年謠

婚嫁紛紛事俱了齒豁頭童容色槁縱是扶筇門外行  
亦妨頓足風中倒白晝纔興更欲眠黃昏未飯先愁飽  
著眼看花眼已花臨書戒草書皆草從容一笑淚反多  
急遽數言心似擣此翁耄矣真可憐東抹西塗亦曾好  
此身還可作典刑世事何須累懷抱君不見古來豪傑  
多軒昂功業將成不能老

南村題柳君宗鎬卷

崇文門外四三里茅屋數間村落裏犬吠花邊驚客來

鳥投樹底知風起  
主翁散步幽情多  
點簡蓄畚早晚禾  
歸來一飽有餘樂  
勢利炎炎如我何  
隔牆喚過鄰家叟  
野菜隨時斟白酒  
酒後齊聲唱竹枝  
不覺檐前挂星斗

和詠梅

官閣梅花冷亦開  
主家故暖賞春杯  
憑誰寄與人千里  
許我來看日幾回  
竹外一枝風灑落  
琴中三弄思徘徊  
如何不入靈均賦  
自古山林有逸材

淮陰祠

淮陰城下弔王孫心事昭昭不待論  
一飯尚能酬漂母  
後來何忍負君恩

張綖 二首

綖字世文高郵人中正德癸酉鄉試除武昌通

判遷知光州有南湖集

顧英玉云南湖詩操筆立就而尤工於長短句

率意口占皆合格調

朱子价云世文入楚後

詩旨起沉著起西崑之畛域闕少陵之堂室  
詩話南湖學詞曲於王西樓以此擅場詩其  
餘事如設菖蒲之菹縱有嗜者要非逸味

秋雨

秋雨中宵滴寒蛩四壁吟燈前搔短髮誰會此時心

湖上

欲理木蘭舟且橫垂楊樹沙背兩鴛鴦飛入前湖去

王希旦 一首

希旦字維周候官人正德癸酉舉人官禮部郎

中有石溪集

僧院訪蔡可泉答莊石山來韻

我欲重來此君能幾日留居然人外境已似故鄉秋別

院幽芳雜諸天色界浮都無簪組意猶自問歸不

表達四首

達字德修閩縣人正德癸酉舉人貴溪知縣坐  
事詔下獄既釋補湖廣都司經歷有佩蘭集

幽懷

沖懷悅魚鳥放跡棲丘樊永息諠中想方知靜者尊農  
人談稼穡穉子牧鷄豚時有會心侶晤言孤樹根

獨行清澗濱覽物懷悽惻蘭生何芬芳草掩無顏色漆



割乃自為木伐先其直林深不可留哲人慎日昃

美人天一方遊子日千里相期青雲端乃滯滄江溪折  
梅寄遠心結草酬知己野外號歸鴻淚下不能止

五月鷓鴣鳴衆草怨芳菲堅冰翕而至碩果存其微醴  
酒嘉早決機肉迷先幾冥冥河上公流沙去不歸

杜華一首

華字子朴安仁人正德癸酉舉人有古山先生  
集

丙子重過石上

五載今重至人間地亦幽坐深松月夜吟苦竹橋秋問  
宅憐曾舍尋山憶昔遊主人無限意翻恐僕夫愁

董穀一首

穀字碩甫海鹽人正德丙子舉人授安義知縣  
改漢陽有碧里雜存

宿靈壁連城鋪題

日暝鴉歸野色昏解鞍投榻向荒村欲聞清磬何由得

明月滿庭空閉門

自注縣出磬石

方邦望一首

邦望字表民閩縣人正德己卯舉人惠州推官

有平洲集

詩話表民與郭澄卿皆喜為詩林文恪謂郭學杜而短於才方學孟而學不足以充之鄉曲之言不阿所好可使掌邦國之志矣

春日別洪子

枝上曉鶯飛江亭春未稀輕舟移浦澈別酒惜芳菲風

急寒潮響天長遠岫微此時頻徙倚空憶謝玄暉

張  
鉉一首

鉉字叔治鄞人正德己卯舉人有鳳山亭

讀史

汾河簫鼓集樓船萬里巡遊瀚海邊但慕蓬山連弱水  
豈知烽火達甘泉侍臣只奏凌雲賦詞客虛傳出塞篇  
日暮五陵原上草古今回首一潸然

陶  
成一首

成字懋學實應人正德間舉人

寄朱存仁

別來心事不堪聞  
細雨孤燈獨念君  
短髮漸看添亂雪  
此身寧得化歸雲  
東風楊柳題歌扇  
夜雨琵琶醉舞裙  
幾度江干空買櫂  
未知日到淮濱

詩話雲湖寫人物山水最工予嘗從喬侍讀于  
靜處見之歎為絕品凌谿其女婿也計偕入都  
雲湖語之曰聞張家灣某氏丁香花盛開子盍  
隨我觀乎凌谿云去禮部試僅三日公無往雲  
湖不許明旦凌谿他避雲湖垂篋與徑去醉主  
人家五日楊發凌谿中式比雲湖還鄉人贖錢

賀凌谿雲湖於席上畫丁香一本尤妙  
絕洵曠達之士也存仁即凌谿之友

明詩綜卷四十二

欽定四庫全書

明詩綜卷四十三

翰林院檢討朱彝尊編

文徵明十五首

徵明初名璧以字行更字徵仲長洲人以歲貢入京用薦授翰林待詔卒私謚貞憲先生有甫

田集

顧華玉云徵仲七言詩愜當飄逸唐風宋語兩相融化自是一機軸也又云文璧蔡

羽徐楨卿邢參藻詞成章雅論合則雖方古作者未能卓然而碩學茂才固今之雋傑矣王

元美云文徵仲如仕女淡妝維摩坐語又如小  
閣疎窗位置都雅而眼境界易窮又云先生詩傳  
情而發娟秀妍雅出入柳柳州白香山蘓端明  
諸公間俞汝成云徵仲詩似晚唐參以元調  
穆敬甫云徵仲書法高一代詩亦秀雅可傳  
顧玄言云待詔詩從實境中出特調稍纖弱  
耳陳卧子云衡山詩  
尚平實韻致却勝

靜志居詩話先生人品第一書畫詩次之胥臺  
袁氏十懷詩其一云內翰小子師卓行古人傑  
辭金抗幼齡解組修晚節丹青紛雲烟篇翰爛  
虹蜺瑚璉世所珍昭代表三絕可謂片言中倫  
矣先生嘗語何孔目元朗云我少年學詩從陸  
放翁入故格調卑弱不若諸君皆唐音也然則  
文之佳惡先生得失自知豈與左虛子輩妄自  
夸詡者比哉今甫田集詩十五卷集外流傳者



尚多蓋先生作書最勤兼畫必留題予嘗見所  
寫朱竹即以朱書題詩其上惜無好事者廣搜  
為續集也曩從父維木公治別業於碧漪坊北  
池荷岸柳有軒三楹懸先生手書於壁即池上  
一詩少時諷誦至今猶未遺忘因附錄之視集  
中所載尤出塵壚之表拾遺珠於滄海天下之  
寶當與天  
下共之矣

### 早起露坐

炎宵不能寐起坐褰絺幘星麗中天明河連曙暉涼  
風不滿鬢落月猶在衣中庭草木稠宿露朝未晞人生  
亦旦暮急景無停機撫時懷美人欲徃情依依暑寒互

推遷安得願無違

秋日同杜允勝湯子重遊東禪寺次子重韻

人事無停機曦暉正流耀及茲東城遊駕言謝紛要杪  
秋霽景澄寒原入高眺靜躁本無媒憂欣自人召靡靡  
霜藹明歷歷幽禽調獨行心已怡況也偕二妙燕談析  
玄旨悲吟發孤竅一語何足稽後期真未料微風西北  
來泠然雜清嘯

追和錢舜舉山居圖

翠深山帶屋綠淨水通門泉石情還重丘園道自尊  
種莎添野色留竹護籬根樂事惟心會休逢俗子論

飲酒

晚得酒中趣三杯時暢然難忘是花下何物勝尊前世  
事有千變人生誰百年唯應騎馬客輸我甕頭眠

何元朗云

雅致絕似  
白太傅

雪後

寒日晶晶曉溜聲中庭快雪一宵晴牆西老樹太骨立

窗裏幽人殊眼明想見漁蓑無限好怪來詩思不勝清  
江南殘臘相將盡會看門前春水生

新秋

江城秋色淨堪憐翠柳鳴蜩鎖斷烟南國新涼歌白苧  
西湖夜雨落紅蓮美人寂寞空愁暮華髮彫零不待年  
莫去倚闌添悵望夕陽多在小樓前

春日遊支硎天平諸山

麥隴風微燕子斜雨晴雲日麗江沙遙尋支遁烟中寺

初見天平道上花過眼溪山勞應接方春草樹發光華  
夕陽半嶺歸興急慚媿城中自有家

夏日同次明履仁治平寺納涼

竹根雨過石苔斑鐘梵蕭然晝掩關坐愛微涼生碧殿  
忽看飛雨失青山雲分暝色來天外風卷湖聲落樹間  
最是晚晴堪眺詠夕陽橫抹蓼花灣

滄浪池上

楊柳陰陰十畝塘昔人曾此詠滄浪春風依舊吹芳杜

陳迹無多半夕陽積雨經時荒渚斷跳魚一聚晚波涼  
渺然詩思江湖近便欲相攜上野航

致仕出京言懷

白髮蕭疎老祕書倦遊零落病相如三年漫索長安米  
一日歸垂下澤車坐對西山朝氣爽夢回東壁夜窗虛  
玉蘭堂下秋風早翠竹黃花不負余

夜坐

殘月耿猶在流螢忽自飛一聲何處鶴露下欲霑衣

春日懷子重履約履仁

湖上花枝煖欲然  
寺前楊柳綠生烟  
憑君莫信春光早  
寶積山頭有杜鵑

題畫

二首

新霜點筆意蕭蕭  
不盡秋光鴈影遙  
雙鳥欲浮天拍水  
夕陽人在虎山橋

江頭春水綠灣灣  
江上春山擁翠鬟  
老我輸他茅屋底  
無愁終日對江山

池上

單鳩喚雨雙鳩晴池上柳花縱復橫好風忽卷讀書幔  
及君到時春水生

蔡羽

三首

羽字九達吳縣人以太學生赴選授南京翰林

孔目有林屋南館二集

王元美云蔡九達如灌莽中蒿薇汀際小鳥時

復嫣然一覽而已

穆敬甫云蔡詩冲雅不俗顧玄言云蔡九達之整秀黃勉之之典麗王

履吉之華蔚顧行之之顥約陸子淵之清潤彭孔嘉之精彩可得並駕李時遠云九達薄少



陵為不足法可

謂虬蟬撼樹

詩話杜詩韓筆百世之師也人其可自絕乎孔  
目於詩文高自標許以少陵不足言所著者建  
安西京韓柳不足言所撰者先秦兩漢今其集  
具在篇無妍辭句無警策此猶淮南帝前自稱  
寡人夜郎天末不知漢大妄人也已其自序云  
古之言者必有得有所得而不言與無所得而  
言均非也其言誠是矣第不知何者為孔目所  
得雖有詩賦八百餘首文二百首恒河之沙鈞  
金安在而或者曲  
為解嘲其誰信諸

## 思田園

南方樹藝早嘉蔬當及時王官鑿冰罷忽起田園思東

郊織臺笠西郭編茅茨田家不辛苦衣食當待誰曳裾  
京華塵徒然情四支

秋泉

我愛秋泉清况傍巖花滴魚遊日光中倒見潭上壁

引奏後即事

金水荷花接綺軒石渠銀鑰掌中閣西崑學士封麻晚  
斜日猶開左闕門

湯珍四首

珍字子重長洲人以歲貢生除崇德縣丞遷唐

府奉祀不赴致仕歸有小隱堂詩草

王元美云  
湯子重如

鄉三老入城威儀舉舉終少華冶態  
王敬美云子重詩清雅怡和與文徵仲同調而駁駁時  
之欲度

詩話子重十試不利晚就一官其之崇德時文  
徵仲作澹著色山水圖送之景甚蕭遠知其  
人定拔俗讀浪淘沙詞直詣劉賓客  
神境非五岳九達所能及也

### 觀雨作

溫風鬱蒸溽浮陰昏混茫始迷青嶂色繼隱朱陽光霏

霏灑甘澍浥浥潤下方竹添新箨翠草起枯萁黃熙然  
厚土內生意咸舒張憂時切經旱喜坐開山堂鑒彼造  
化機推遷自有常燥餘必反濕炎及乃回涼君子蹈恒  
運小人乖禮坊貪夫鮮終克靜俟多徜徉

秋日遲文衡山先生不至

肅肅振飄風霏霏灑芳澍遲客向南軒徘徊倚庭樹

裝戒星來傾曦未云赴

集本有得非為物牽無乃返中路鳥鳴不相求反已每自顧四

句我思鬱以煩孰克探其故沉憂抱孤景中結豈外慕

申訊吐清謠殷勤待良晤

浪淘沙 二首

淮河一道達清河如此風波可奈何東岸沙崩西岸長  
南船來較北船多

濫瀕瞿塘險未平衡沙惡浪總堪驚相逢盡說公無渡  
蜀道何曾斷客行

蔡靈 三首

靈字夢晉吳縣人

詩話孟晉狂生遊枝指生之門其畫山水足亞  
伯虎對酒一詩可稱絕唱臨終詩云垂死尚思  
玄墓麓滿山寒雪一林松如  
聆雍門之琴頑豔亦為淚下

春暮送友

三月正當三十日一壺一榼一孤身馬蹄亂踏楊花去  
半送行人半送春

對酒

隱隱江城玉漏催勸君須盡掌中杯  
高樓明月清歌夜知是人生第幾回

題唐子畏畫卷

黃茅渚頭熨斗柄唐子好奇曾屢遊太湖烟景此絕勝  
還許吾輩閒人收

凌震

二首

震字時東烏程人正德中貢生黔陽儒學訓導

有練溪集

鄭荳畦云練溪  
詩清婉可誦

出宿

悠悠出門來戚戚念家室三里一回頭五里淚霑臆託

身百年中何必遠行役上攀猿鳥道下俯蛟人宅性命  
不足憐仕宦亦何益卓哉有陶公千載為我則倦鳥思  
舊林翩然返其翮

捉蝨

我先老妻眠解衣置熏籠老妻為捉蝨略與捕賊同明  
燈集女隸獲多者論功先之以緣督次則殺縫中芻蕘  
與奧討指殪兼牙攻聲言具湯沐會使巢穴空我聞雖  
不語慙慙無地容彼貴寢孤貂彼富錦繡蒙旬更月必



換日夕沉水烘何緣有胎媒使汝得潛踪乃我衣垢敝  
遂為汝所宮澣濯既不時煬竈亦何功再思也不然肉  
甘汝攸從昔有嵇叔夜矯矯其猶龍又有王景略古所  
謂英雄伊豈乏富貴汝視如寒窮侵肌啞膚理戢戢攢  
銛鋒爬搔未始歇捫撮當王公吾何為汝諱不汝饑餒  
供

陳鐸一首

鐸字大聲下邳人睢寧伯文之曾孫世襲指揮

家南京有秋碧軒香月亭詩集

卞華伯云大聲詩用意和平不

務雕刻深入虞楊范揭之閫奧而漸登盛唐作者之階梯

宿牛首寺

到寺萬緣歇蕭然宿峰頂蒼蒼野色新漠漠秋烟暝天  
風在林末空翠散復整支郎繡經處松子落古鼎微涼  
入虛檐老鶴飲淺井相期話三生夜坐石根冷疎竹何  
蕭蕭雲房亂燈影

徐霖

二首

霖字子仁吳人徙南京補諸生坐事削籍武宗  
南狩召見欲官之固辭賜飛魚服扈從還京後

歸里有麗藻堂

周吉父云子仁詩才篆  
法丹青樂府俱稱能品

詩話髯仙多能藝事書畫之外工填南北曲文  
徵仲贈詩云樂府新傳桃葉句彩毫徧寫薛濤  
箋所築快園康陵南巡兩幸其居有晚靜閣宸  
幸堂浴龍池及扈蹕入都每夜宿御榻前與帝  
同卧起永陵之初威武近幸多逮治  
坐罪惟子仁脫然亦滑稽之雄也

舟中雜詠

二首

綠樹坐黃鸝青秧點白鷺睡起倚船窗知是江南路

今夜河西宿無眠但數更並船何處客吹笛到天明

謝承舉一首

承舉初名璿字文卿既更名改字子象上元人

有野全子集

顧華玉云近時李西涯主清婉陳白沙主沉雅莊定山主渾雄並尚

理致金陵有二才子謝子象徐子仁凌蹕詞苑徐得其婉謝得其雄然徐之學西涯與謝之學

白沙定山皆虎賁之似中郎耳 陳羽伯云野全詩如奔流掣電時一驚人

吳歌

秦淮女郎歌柘枝隔岸吳兒調鳳絲聲聲互荅綠楊裏

正是離人腸斷時

金鑾

十二首

鑾字在衡隴西人僑居南京有徙倚軒橐

俞汝成云

山人詩多遠思別於常調

詩話白門詩家有金琮元玉金丹赤侯金大車  
子有金大輿子坤金銀竹溪均著詩集諸金之  
中吾必以在衡為巨擘焉其五七言近體風情  
朗潤譬諸斛角靈犀近之遊塵盡辟矣至若明  
月照人千里共涼風吹面五更多尤為警策

立秋日呈一二知己

久雨銷長夏涼風生早秋野航如市集江水入城流迂  
闊從人笑艱難豈自謀違時况多病寂寞戀交遊

登滄州城

渤海高人去仙臺古蹟存風沙吹不斷天地與同昏野  
水添新淥空烟集暮村故園桑柘裏悵望一銷魂

哭湯沂東開府

赤手揮戈日丹心報主時不曾辭力盡那復計身危夜  
雨藏兵峽秋風墮淚碑惟餘舊戎馬汗血至今垂

子房山

報主元非漢封侯豈為留早求滄海士晚伴赤松遊故  
國山猶在黃河水自流王孫歸去好春草徧芳洲

北河道中

叢臺北向通燕谷曲渚西流繞薊門歸鳥亂啼原上樹  
夕陽多照水邊村因悲俗吏趨三輔曾有新詩寄陸渾  
歲歲別來春又暮幾回芳草怨王孫

重過歌臺追憶髯仙竹谿二徐老

山公曾醉習家池，潦倒當年舊接羈。  
再過已驚非故主，相逢元不是新知。  
屏花帶雨春還麗，水檻臨風晚更宜。  
幾度壚頭覓嵇阮，紫簫攜向月中吹。

除夕

還憶去年辭白下，却憐今夕在黃州。  
空江積雪添雙鬢，細雨疎燈共一樓。  
世難久拚魚鴈絕，家貧常為稻粱謀。  
歸來故舊多凋喪，愁對東風感壯遊。

送友人南還



錦堂歌出酒初陳銀燭燒殘月半輪青海共驚千萬里  
白頭相對兩三人伊州折柳傷遲暮江縣逢梅入小春  
去住關心各無那西風滿道起秋塵

感燕

故園門巷近烏衣但見花開燕子飛一自天涯與相別  
可憐春盡未知歸綠楊庭院傳聲杳芳草池頭顧影稀  
何處脩梁更堪寄日斜江上倍依依

九日喜河上寇平奉簡二三知己

聞道官兵下泗州五河羣盜已全收可憐白首重生日  
却喜黃花正及秋多病不妨連夜飲故人還為幾時留  
西風莫趁歸心急吹落清江數點鷗

春城曲

雨餘芳草遠萋萋春暖遊人信馬蹄日暮畫樓歸去晚  
落花香裏路東西

寄吳厚丘

黃金散作買花資白首誰能戀故知同作孟嘗門下客

西風吹鬢獨歸時

邢參一首

參字麗文吳人有處士集

詩話麗文狷者平生不事干謁苦志讀書除夜  
有海估以百金乞墓文峻拒之抱膝擁衣饑以  
待旦其介如是明初高侍郎季迪有北郭十友  
麗文亦有東莊十友吳燿次明文徵明徵仲吳  
奕嗣業蔡羽九達錢同愛孔周陳淳道復湯珍  
子重王守履約王寵履仁張靈孟晉故其詩云  
昔賢重北郭吾輩重東莊胥會誠難得同盟詎  
敢忘麗文遺集罕傳予從金處士佩借得手鈔  
本錄竹枝一首錢氏列朝詩神鬼門載桃花仕  
女詩八絕竹枝三首在焉其二則山桃花開紅

更紅西湖荷葉綠盈盈皆麗文集中詩所云紹興上舍葛棠夜飲圖中美人歌詩百絕侑觴乃好事者為之不足信也

竹枝詞

家住東吳白石磯門前春水浣羅衣朝來繫著水蘭櫂

閒看鴛鴦作隊

一作飛對

王寵

三首

寵字履仁更字履吉吳縣人以諸生貢入太學

有雅宜集

顧華玉云履吉詩刻尚風骨擺脫輕靡既正體裁復減蹊徑五言沉鬱類

曹植鮑昭七言跌宕類杜甫岑參近體與盛唐諸家相雄長袁永之云王履吉綺辭壯思滔滔不休其詩初宗李既宗杜去輕麗而就沉著尚鋪綴而略陶鎔王元美云王履吉如鄉少年久遊都會風流詳雅而不盡脫本來面目又似揚州大宴雖鮭珍水陸而時有宿味穆敬甫云履吉詩如雨後芙蓉綽約有致俞汝成云履吉情乎義恁句秀字工在吳中可稱作者何元朗云王雅宜詩清警絕倫無一點塵俗氣真天上謫仙人也所欠者沉著耳中道而夭未見其止惜哉

詩話履吉亦中材爾諸公惜其早亡譽之未免過實

## 聽琵琶

紫塞傳龍撥崑丘學鳳鳴春風吹白雪總是斷腸聲司  
馬千行淚明妃萬里情當杯愁未已天末海雲生

一作橫

辛巳書事

居庸碣石控關門玉几由來北極尊閣道逶迤經海岱  
天河隱見出崑崙斗閒遂識三階列日下從知九軌奔  
奠鼎卜郊非細事萬年圭鬯保文孫

虎丘送許仲貽

旗亭卮酒送君還去鳥流雲信宿閒日暮銷魂此回別

望君重上虎丘山

沈翰卿一首

翰卿字子羽江陰人儒學生有石灣集

懷施武陵子羽

天子觀射臨澤宮三矢中鵠欽英風鹿鳴嘉賓慨未逢  
高篇重許合大雅置之建安七子中

詩話子羽詩尚穩帖如此  
語雖未工取其立格疎硬

張詩一首

詩字子言本姓李宛平人有崑崙山人集

王元美云

張子言如甘州石斗色

澤如玉膚理麤漫

詩話岳氏今雨瑤華以崑崙山人詩壓卷然詩實不工方崇陵謂之曰君詩雖佳第情實如無山稱山無水賦水非歡而暢不威而哀是已是亦切中其病

送呂思抑募兵遼東

六郡募奇兵三韓列漢營  
甲光開絕塞海氣動高旌  
楊柳關山月梅花雨雪情  
引弓十萬衆不敢復橫行

鄭作四首



作字宜述歙縣人自號方山子往來梁宋間李

夢陽流寓汴中招致門下有方山子詩選

汪禹又云

宜述詩大槩悲壯王仲房云宜述家本商賈讀書苦吟為人負氣任俠故其詩雄渾跌宕有

風骨

詩話宜述遊汴際空同詩名未大盛時北面稱弟子以是空同深愛之何大復所云老鄭空同客也其詩經空同選擇序而傳之且為作方山精舍記又贈詩云近時好事最者誰徽州鄭生差愛我今觀其詩頗俊利遠勝五岳山人

聞鴈

秋日江南去春風塞北歸祇愁羅網密敢戀稻粱肥獨  
往寒天遠高飛舊侶稀游人夜不寐感爾淚霑衣

登高

萬里登高望烽烟接汴州愁生一作添飛鳥外心逐一作亂

大江流弟妹今何在干戈卒未休前行塗路阻踪跡且  
淹留

客中聞四弟消息

昨遇梁園使孤城舍弟居干戈長在目烽火不通書汝

計猶長缺吾心已暇廬兩鄉千里隔相望各需裾

除夕

除夕愁難破還家夢轉頻十年江海客孤館別離人殘  
漏聽還盡寒燈坐愈親梅花滿南國誰寄一枝春

程誥十一首

誥字自邑叙人有霞城集

李獻吉云程生詩神境融會足以散置名

家王仲昂云自邑足迹半天下其詩得山川之助為多體裁既全篇章過富珠以沙迷反滋識者之憾

詩話自邑好為汗漫之遊山川郡邑凡所經歷  
必紀以詩氣格專學空同第才情稍鈍色澤未

鮮五言庶  
稱具體

秋陟靈金之巔由范坑過舍頭至靈陽憩方氏山

館

入山恨不深采芳思凌緬戒嚴事初程憑虛瞰前峴氣  
逼日始熾光滿露猶泣奔峭既厓陟盤曲亦磴轉步迅  
險易踰憩頻蔭難選俯眇巢枝禽仰聆吠風犬想像巖  
居人于焉傲軒冕瑤華若堪把白雲况在眼撫物興彌

敦觀化理誰遣試語同懷人竭來此棲衍

遊齊山

城市意弗適烟霞夙所尚逍遙越崇堤徙倚對層嶂峽  
存巨人跡亭紀使君創洞入身暫屈厓陟首屢仰雲竇  
凝不開石門屹相向寄隱固我慚集仙竟誰當

寄隱集  
仙巖洞

名尋覓悵遺跡歷覽訝殊狀來頻心有得興至情益放  
也  
留連暮未返引領月欲上

自秀山深入陟巘

自我客秋浦秀山亦屢入顧茲奇勝多恨未徧探歷今  
晨興忽動捫葛履危岌石拂既久坐厓倚亦暫立香氣  
暗忽度碧光深可挹行迷傳侶遙喜溢僕御及飄飄驚  
風來陳陳吹雨急蠟屐早已著蘿衣不妨濕

登吳山

蘿磴凌晨上松門倚杖逾風烟攬吳越表裏見江湖水  
遠雲俱白峰高日已晡賞心延縱目邂逅此山隅

登北固山

松林度幽僻，蘿磴轉孱顏。眺望堪千里，東南有此山。  
江流包楚徼，地勢控吳關。萬古登臨意，風檣不暫閒。

白沙逢余子陳却送之金陵

新詩滿行索，相見未遑論。趁月浮江舸，垂潮入郭門。  
聽歌桃葉渡，問酒杏花村。羨爾遙垂興，無由共舉樽。

峽夕

楚塞連三峽，巴雲暗五溪。鄉心春鴈過，客淚夜猿啼。  
百丈緣流險，雙崖壓樹低。孤城丹巘麓，江白露淒淒。

夜泊乾灘寄肇之

江迴月娟娟蘆花渚路連暝沙團宿鷺風樹曳驚蟬廟  
祭傳儺鼓津喧索渡錢愁心付漢水遙寄秣陵天

市汊驛下阻風

江干日色黃北風怒不已君看上水船一日三百里

琵琶亭

殘照亭皋夕秋風旅鴈飛琵琶千載恨淚滿逐臣衣

洛下逢汪子明



我行西入秦驅車洛陽陌相逢故鄉親况是東歸客

高澌一首

澌字宗呂侯官人有霞居子集

詩話少谷居鼇峰北從之遊者九人鄉鄰目為  
十才子少谷詩所云一時賢士俱傾蓋滿地萍  
蹤笑舉杯是也九人者高二十二宗呂居首傳  
二木虛次之餘有林九王七施二其名不得而  
詳矣宗呂家最貧少谷稱其事母至孝事兄至  
悌又稱其甘貧守節安安然人無知者蓋高傳  
為鄭門弟子之冠少谷於傳  
盛誇其文於高則美其行云

岳陽樓

巴陵城上岳陽樓樓外長江日夜流殘雨數聲衡岳曉  
暮霞孤鴈洞庭秋仙人夜奏沙邊笛估客春移樹杪舟  
十二危欄閒極目滿汀楊柳不勝愁

傳汝舟

三首

汝舟字木虛一名丹號丁戌山人一曰磊老候

官人有前丘生行已外篇

鄭繼之云生詩淵致蕭散多發之性情其

道江湖林壑神仙隱逸直臻其要妙上下魏晉  
抗聲于武德天寶之間大歷而還不論也王  
道思云汝舟才知文采足以得意仕進獨舍去  
而不好其舍之盡至於鄉井屋廬不復可居而

妻子不足畜也舉一世之榮利無足好而區區吟詠之工不能忘亦其才知所斂不可終藏而見之於此也王元美云傳汝舟如言法華作風語凡多聖少俞汝成云汝舟詩雖師鄭吏部而天於諷詠徐興公云汝舟詩雖師鄭吏部而天然之趣尤勝如雖貧一榻能高卧縱老名山恣遠尋異書自得作者意長劍不借時人看此等句吏部當為却步矣

詩話前五生詩刻意學少谷子故多崛奇語句如楚樹懸猿直衝雲帶鴈斜宿雲長抱殿遊鶴不歸松野客逢迎少山僧出入尊白為溟海浪青盡島夷山地濕菰蒲氣風生鸛鶴毛皆鉅鍊而出不肯猶人生弟汝楫有句云種桃求漢核食棗想齊花頗饒韻致汝楫字木劍亦有詩名時號二傅或是楚峰九人之一乎

# 宿山心永樂

朝登三仰峰夕宿山心菴久入名山遊蹊徑頗盡諳始  
知九曲外復有南山南森邃更險豁深篁倚烟嵐沙田  
稻翼翼巖桂花毵毵疎籬隔鷄犬朽樹藏蜂蠶嘗傳武  
陵原旁有捕魚潭伐木不到遠却留松與楠雲光卸秋  
屨回首望石龕經旬四攀眺偃息此日堪澗芹食轉美  
草榻卧正酣枕中有鴻寶何必問周聃

未至白塢投宿新坪農舍

雲洞更何許新坪又一村前林露微月半嶺聞驚猿野  
老不避人篝燈候茅屋始笑行路難百里已三宿

月下

月明坐空山不覺石苔冷猿嘯搖藤蘿亂我松桂影

傅汝楫一首

汝楫字木剡汝舟之弟有卧芝集

過石田草堂哭之

頻年我理吳航至幾度相逢笑口開沙雨江風今日淚

歲寒愁絕是重來

石麟一首

麟字永也桐城人

詩話永也白果歌載龍眠風雅未免冗長予為  
芟汰存之其曾祖英字內含正統間居郭北古  
塘享年一百有三生七子二十三孫有同庚友  
許澹初魏谿叟年九十時棄家學道不知所之  
內含百歲之日賦詩憶之云庚申共守人  
何在甲午同生獨詠詩樹即內含所植也

白果樹歌

先人卜築闢榛蕪手種白果樹兩株愛他離離祇結實

曾無花謝花開日兩株樹各七分枝樹下人家亦七支  
聞昔螢莢葉象十二月南海一風草一節由來草亦知  
先幾人中之幾知者稀

錢元善一首

元善號存菴桐城人刑部尚書如京子以廕官  
都督府經歷終魯府長史

春日感懷

春風三月景依然弱柳遊絲觸處牽家遠隔年無信到

官閒鎮日枕書眠  
林鳩逐婦晴還雨  
沙燕將雛去復旋  
遙憶故園春更好  
江樓背郭看鉏田

程佳一首

佳字令甫休寧人

獨坐

空館寂無人  
撼撼鳴木葉乍疑風  
雨聲忽見當窗月

陳璽一首

璽字德符閩縣人有守魯集



斑鳩

香禽自何處共立枝頭語喚起曉耕人西疇足春雨

徐定夫

一首

定夫字士安海鹽人有蛩吟藁

夜坐懷石林茶谷二上人

林秋萬籟集木葉下高岑佳人渺何許月明空此心夜  
久河漢沒涼風飄衣襟徘徊寂無語幽意託孤琴引領  
西巖下俄聞鐘磬音

戚韶五首

韶字龍困松江華亭人有集

孫貞父云龍淵詩如燕趙奇士矯伉

自信又云龍淵詩奇

崛自喜終少蘊藉

詩話龍淵遠宗楊陸近學莊陳嘗遍和谷音古詩七律頗饒跌宕之趣孫少保毅齊合王鶴坡張一桂集題曰三詩翁鏤板傳之三君皆珠涇鎮人也

初夏即事

綠陰清館午風涼  
花落晴溝水亦香  
市擔鰕魚從曉賣  
鄰家櫻筍及時嘗  
筐盛雜覩縹絲急  
場撲飛蛾打麥忙

寒食過來芒種近穀芽今似韭芽長

買舟

兩兒扶醉采芙蓉驚喜扁舟落手中到處溪山堪出入  
此身天地任西東出門便覺輕千里伸脚還能睡一翁  
昨與河神澆福酒三江吹斷石尤風

自注家有與堂

和陳簡齋清明日

虛名何苦要人知五十稱翁較未遲造物於人固多忌  
清明今日可無詩百年臣子麤安日八口妻孥向老時

筋力漸衰雙眼澀一生正坐讀書癡

春日江上

江晴燕子故飛飛江上春帆何處歸  
南浦久懷芹菜美北山初獻蕨苗肥  
心驚醉語常多悔事到中年漸覺非  
明日舞雩須一往二三童子試春衣

高閣對坐有懷鶴坡

靜裏身閒不欲眠寺西高閣寄超然  
滄波萬頃來天際白鳥雙飛去雨邊  
洗竹祠前依水檻賣魚倉口就瀧船

王程消息三千里惆悵鶯花又一年

傳起巖 一首

起巖初名洪字晉卿既更名字夢求無錫人有

正峰集

京師書事次舒國裳殿撰

京國烟花重盧溝雪樹消宮陳開帝幄仙仗下簫韶御  
酒蒲萄綠官庖巧藥調天顏多喜色報捷在今朝

鈕仲玉 三首

仲玉字貞父吳江人有五浮山人集

豐存禮云  
鳬溪格律

謹嚴神氣飄逸不為鈎棘之語 俞美長云孫  
太初一代詩豪罕有所許可獨與吾鄉鈕貞父  
善時相唱和 林若撫云五浮山人詩根本性  
情纏綿悠渺而秀骨獨存 朱長孺云浮溪隱  
於醫其詩出入魏晉三唐衆體咸備 金孝章  
云鳬溪詩鬱紆深婉雖處草莽有忠愛之思  
詩話鳬溪漫藁豐存禮序之而世罕傳近其裔  
孫刊五浮山人集迹其當時恒與孫太初黃勉  
之酬和詩亦頗類  
太初非勉之可及

崔二丈園亭

芳園甫營葺修竹稍陰翳村徑入沙平柴門俯江閉惠

風蕩炎氛微雨續新霽好鳥時相鳴疎花還自媚于焉  
一徜徉頗愜幽人意寧違官府期且與鄰翁醉

返照

返照吞江色歸雲護石田半含吳地曲不盡越山偏萬  
木迴元氣羣鴉接暝烟飄然陸魯望隨意汎湖船

微陰

雲氣微含雨江村小作陰烟中雙鳥沒天際一龍吟落  
日傷春事扁舟繫客心放歌巖木動隨意酒杯深

徐充一首

充字子擴江陰人有鐵硯齋集

題扇

綠樹陰中款竹扉  
幾家臨水狎漁磯  
日長門徑無車馬  
燕子楊花自在飛

趙金

金字淮獻烏程人  
布衣正德中詔徵不起  
有浮休集

詩話徵士居南潯著書闌關間入其門者有如  
深壑恒坐小艇出入五湖陶然自酌南坦箬溪



二尚書結峴山會造廬請入社不應也年六十  
營蔭室斂平生齒牙爪髮之已脫者洗滌而囊  
盛之以為殉葬之具賦全歸詩三章其一云憶  
昔髫年時嘗記齒初齟歷歷真牙生蔬食藉以  
進遇來筋骨衰齒牙搖且振朝夕學種之種之  
惟自憊餘齡已七十疎豁落殆盡萬物有消長  
死生當委順其二云十指之爪乃筋之餘搔彼  
白首藉爾爬梳一彈指頃歲月其駛時或蛻之  
式用藏只嗟嗟此爪我心不違他日觀化亦從  
而歸其三云朝梳暮梳白髮滿首一朝禿盡真  
成老醜藏諸囊中括之無咎天地一毫惟我所有  
人言白髮公道不負我將全歸其顏何厚又自  
為生祭文輓詩自是不復出年八十  
九而卒其詩不蹈時習取境故超

## 過菱湖

去去餘不路遨遊一問津村孤船作市地絕水為鄰菱  
蕩官租足魚鰕野饌新衆山遙映帶相對碧嶙峋

郊居

自愛閒居卜近郊獨將心迹寄衡茅桃花水泛魚吹浪  
芹草泥香燕補巢雜植桑麻供國稅細分杞菊入山肴  
平生方外誰為友冷澹雲霞信可交

陳鑑二首

鑑字用明海鹽人有勾谿集

錢幼卿云山人詩  
鮮芳幽蒨劇琢性

靈絕無浮

音滯響

西村諸社友見訪雨夜分得微字

門外泥深草路微  
滿江風雨暗斜暉  
春潮正急不可渡  
有酒相邀且莫歸  
屋帽田衣留竹桁  
茶烟藥火共柴扉  
重招更有茶蘼帖  
爛醉花前願豈違

種菜

曉日園頭抱甕頻  
滿衣寒氣露華勻  
老夫一箸非容易  
為語人間食肉人

徐 縝 三首

縝字紹卿吳縣人有在笥集

黃清父云徐君揆藻最早享年最永

其詩貴華采尚標致經營用思愈入愈深點綴既成更務清朗吟詠再三真賞自得 皇甫子

循云山人以詩名者張子言孫太初皆遊大人以成名君獨不自造詣阮窮已甚而志猶暢適其篇什格高調古意新句秀旨遠而辭縟聲諧而氣宕謂不出於孫張之右邪 劉子威云蕪

有兩徐生昌穀氣俊而疏紹卿思新而緩譬諸樂或舒以促或錄以殺各以一成

詩話紹卿學詩於蔡孔目而標格矜真所謂弟子不必不如師

謁伍相祠

湖口風色霽繫纜登雲厓廻阡度修龍肅穆趨神祠翠  
柏蔭壇宇碧草生階墀英賢去千載靈氣儼生時暉暉  
燭影耀靄靄香烟滋入郢志亮畢棲越心空疲不忘嗣  
主諫恐負先君知朝承鐫鏤賜暮見東門師空江日夜  
流忠烈何時隳至今姑胥臺空傷麋鹿馳

聞黃子得之下第

十上空垂橐三春祗弊裘說難心獨苦塗遠暮何投聞  
鴈書頻繫看花淚暗流誰憐一生恨頭白在皇州

甲子除夕宿魚鄉館

旅跡元無定，豪情此更加。  
飄零逢歲夜，惆悵宿君家。  
醺竿春生綠，風霏雪度花。  
故園今夕意，悽斷若天涯。

姜玄 二首

玄字玄仲吳江布衣有集

詩話布衣沉思韻語具襄陽孟六之體所欠筋骨

暮秋集白陽山人五湖田舍

倚檻開湖色，鉤簾見浦沙。  
晚田惟種秫，春浦亦宜瓜。  
落

帽松風近浮觴竹日斜坐來忘出處幽意愛陶家

牧童

烟中草深黃犢肥百舌繞身原上飛斜陽幾處吹蘆笛  
頭戴衣裳渡水歸

黃嘉仁

一首

嘉仁餘姚人有半山遺橐

田家

烟含暝色入村場一畝平田隔草堂急雨初收新水滿

蕩花香雜稻花香

馬

駢二首

駢字共甫江都諸生

詩話共甫為知泉州府事岱之子與兄駢次甫  
駢用甫並有詩名駢著紫泉集二十卷今失傳共  
甫撰有春秋探微十四卷吾鄉曹侍郎有其  
書而揚州新舊志均未之載也詩頗去陳言

曉行

明河欲西垂樹杪大星落隱隱遠烟消霜天一聲角

村獵



隴斷沙痕淺山空月色孤歸來夜將午射得紫顙孤

張金

四首

金字子堅江都人儒士

題丁道士小房

一徑晚來雨千巖秋正深潭空魚出藻果熟鳥窺林絕  
壑蒼烟斷迴廊敗葉侵此中堪辟穀人世信銷沉

雨中泊太倉

太倉城河潮水生石橋西下官鼓鳴客子思家孤夢遠

舟人刺船雙櫓輕橫風倒海浪作勢急雨過山雲不行  
暫時繫纜小港口城門擊柝聞初更

寓嶽祠

尋常不到山前路洞口閒雲盡日封時有聽經童子至  
不知身是石潭龍

泊金閭

金閭門下燈火明吳姬水調歌入城曲終夜靜不知處  
涼月滿船春水生

吳夔一首

夔字舜南高郵州人諸生

山居即事

颯颯樹頭風山犬吠不已呼童啓柴扉明月照谿水

蔡圻一首

圻字子封江都人儒士

雨後即事

亂流東下晚霞生破屋西邊落日明卷盡墨雲山雨歇

出門扶杖看天晴

陳瀛一首

瀛字古厓海鹽人國子監生選授宛平主簿

石林山房

輕風落樹散林烟  
海日三竿正熟眠  
傍午起來花落盡  
不知雷雨過山田

顧文淵一首

文淵字靜卿仁和諸生有滄江集

晚發錢唐

潮平小櫂發錢唐  
俄傾帆飛過富陽  
兩岸好山看不盡  
數聲漁笛起滄浪

楊學禮

一首

學禮號東濱  
上海諸生

春興

菖蒲枸杞滿庭栽  
書閣垂簾半掩開  
蛺蝶不嫌春色澹  
隔牆飛去又飛來

陳籥

三首

籥字德音閩縣人有竹居集

送辰翁還閩

飄零同楚越此別各風烟  
後會知何日相思動隔年  
孤燈雙淚盡萬里一帆懸  
誰見家園好椒花勝裏傳

寄訊

春風轉憶別衡廬淮水茫茫老客居  
却被故園兒女笑至今猶作未歸書

除夕感懷

椒觴兩見客中傳  
簫鼓喧喧暗自憐  
總使明朝得歸去  
今朝還說是明年

朱應辰

一首

應辰字拱之一字振之寶應人應登第貢士

東湖曲

曲岸香風起汀洲采白蘋  
鴛鴦浮綠水偷眼蕩舟人

陳宇

二首

宇字時清寧德人有五真集

宜春舟次

客塗寂寞晚風寒  
舟次宜春近石灘  
苦竹叢深山鷓雨  
令人却憶鄭都官

園居

無事柴扉盡日間  
嬾情幽興每相關  
却嫌新筍都成竹  
遮過門前一半山

嚴時泰

一首



時泰餘姚人官福建鹽運司同知有牢盆集

詩話山陰陳起侯撰浙士登科考於弘治辛酉  
載湖廣中式一人嚴時泰注云辛未三甲按辛  
未登第者乃江夏人晚以右副都御史巡撫四  
川陞工部右侍郎致仕楊用修贈詩所云昂昂  
嚴夫子矯矯人中龍長才抱經濟大雅含春容  
叩之清廟經朱瑟縣之東序鏗金鏞者是其人  
也若餘姚嚴時泰祇官福建鹽運司同知故其詩  
名牢盆集集中有云憶我東南來於時歲方晏  
又云暮叩西禪寺又云頗為微官縛皆在閩中  
所賦然則用修贈時別是一人黃黎洲徵君輯  
姚江逸詩誤運同即侍  
即未免為起俟所惑矣

出城尋山


雅負山澤情平明出遊衍崎嶇既經丘峻絕還陟巘征  
衫清露濡垂蘿或相罨縈紆度林涇草樹益蔥蒨古洞  
闌無人聊以憇吾倦幽鳥遺好音起覓不可見含情倚  
嘉樹日暮增繾綣憶我東南來於時歲方晏春徂忽已  
夏逝景迅流電不樂復如何嗟爾玄髮變

王 瀛 一首

瀛字元溟會稽人有西湖冶興

韜光菴

吟邊喜與故人登老樹無枝石有稜坐久江潮聽漸近  
寒山高出白雲層



明詩綜卷四十三